

Ezkontza zibil gehiago izan ziren 2005eko lehenengo hiruhilekoan, 2004ko aldi berean baino

Mantendu egin zen gero eta nagusiago ezkontzeko joera

Eustaten datuen arabera, Euskal AEn 966 ezkontza izan ziren 2005eko lehen hiruhilekoan, hau da, 2004ko laugarren hiruhilekoan izandako 2.185 ezkontzen erdia baino gutxiago, eta 2004ko lehen hiruhilekoan izandakoak baino %22,8 gutxiago. Ohikoa denez, urteko lehen hiruhilekoan ezkontza gutxi egiten da, batez ere urtarrilean eta otsailean.


Aurreko urteetan gertatu den bezala, ezkontza zibilen ehunekorik handiena (%74,5) hiruhileko horretan izan zen. Ezkontza erlijiosoak baino gehiago izan ziren eta aurreko urteko aldi berean izandako ezkontza zibilen ehunekoa ere 10 puntutan gainditu zuten. Hiru lurraldeetan gehitu zen ezkontza zibilen portzentajea 2004ko hiruhileko beraren aldean. Arabak izan zuen hazkunderik handiena (18 ehuneko puntukoa) eta %85,2ra iritsi zen. Bizkaian eta Gipuzkoan ehuneko 11,6 eta 5,6 ehuneko puntu gehitu ziren eta %74,2ra eta %73ra iritsi ziren, hurrenez hurren.

2005eko lehen hiruhileko horretako 966 ezkontzetan, bizilekua Euskal Autonomia Erkidegoan duten 941 gizonezko eta 949 emakumezko ezkondu ziren. Horietatik 828 senarrentzat (%88), lehen ezkontza izan zen; 13 alargun eta 100 dibortziatu, aldiz, berriro ezkondu ziren. Lehen ezkontza zuten emakumeen ehunekoa gizonezkoen antzekoa izan zen: aurretik ezkongabe zirenak 830 izan ziren; alargunak, 5; eta dibortziatuak, 114.

Ezkontzak ezkontideek eztei-egunean zuten adinaren arabera banatuz gero, senarren artean, %73k zituzten 30 urtetik gora; emazteen artean, berriz, %65ek. Proportzio horiek 2004an izandakoak baino handiagoak dira (%69 eta %51, hurrenez hurren) eta beraz, eutsi egin zaio hiruhileko horretan ere gero eta nagusiago ezkontzeko joerari.

	2005eko 1. hiruhilekoa		Aurreko hiruhilekoa (2004ko 4. hiruhilekoa)		Aurreko urteko hiruh. bera (2004ko 1. hiruhilekoa)	
	kop.	%	kop.	%	kop.	%
EZKONTZAK	966	100,0	2.185	100,0	1.252	100,0
Kanonikoak	246	25,5	1.108	50,7	445	35,5
Zibilak	720	74,5	1.077	49,3	807	64,5
SENARGAIK	941	100,0	2.108	100,0	1.207	100,0
Ezkongabeak	828	88,0	1.951	92,6	1.111	92,0
Alargunak	13	1,4	14	0,7	15	1,2
Dibortziatuak	100	10,6	143	6,8	81	6,7
EMAZTEGAIK	949	100,0	2.143	100,0	1.232	100,0
Ezkongabeak	830	87,5	1.997	93,2	1.116	90,6
Alargunak	5	0,5	8	0,4	7	0,6
Dibortziatuak	114	12,0	138	6,4	109	8,8

1. grafikoa: Ezkontzen hilez hileko mugimendua



Iturria: EUSTAT

oinarria 100= b. b.

Argibide gehiagorako:

Euskal Estatistika-Erakundea / Instituto Vasco de Estadística

Donostia-San Sebastian kalea, 1. 01010 Vitoria-Gasteiz

Tel.: +34-945 01 75 00 Faxe: +34-945 01 75 01 E-maila: eustat@eustat.es

Harremanetarako pertsona: Martín González Hernández

Tel.: 49-945 01 75 49. Faxe: +34-945 01 75 01

Prentsa-oharrak Interneten: www.eustat.es